



ADMINISTRACIÓN LOCAL

MUNICIPAL

AMES

Aprobación definitiva da Ordenanza reguladora do prezo público pola prestación do servizo de talado e roza nas franxas de seguridade definidas no plan para a protección do espazo rural e dos asentamentos de poboación do concello de Ames

ANUNCIO

Aprobación definitiva da Ordenanza reguladora do prezo público pola prestación do servizo de talado e roza nas franxas de seguridade definidas no Plan para a protección do espazo rural e dos asentamentos de poboación no Concello de Ames.

Habendo quedado definitivamente aprobada a modificación da Ordenanza reguladora do prezo público pola prestación do servizo de talado e roza nas franxas de seguridade definidas no Plan para a protección do espazo rural e dos asentamentos de poboación no Concello de Ames, por non terse presentado alegacións contra o acordo plenario de aprobación inicial da modificación, de data 31 de outubro de 2013, publícase o texto íntegro da modificación da ordenanza aos efectos legalmente establecidos.

“ORDENANZA REGULADORA DO PREZO PÚBLICO POLA PRESTACIÓN DO SERVIZO DE TALADO E ROZA NAS FRANXAS DE SEGURIDADE DEFINIDAS NO PLAN PARA A PROTECCIÓN DO ESPAZO RURAL E DOS ASENTAMENTOS DE POBOACIÓN NO CONCELLO DE AMES

Artigo 1º.- Obxecto do Prezo Público.

Constitúe o obxecto do presente prezo público a utilización dos servizo de talado de eucaliptos, pinos e acacias e/ou desbroce nas faixas de seguridade de toda biomasa arbustiva e sub-arbustiva nos supostos definidos no “Plan para a protección do espazo rural e dos asentamentos de poboación no Concello de Ames”

Este servizo incluírá a destrución in situ, por triturado, da biomasa, así como o desembosque da madeira talada.

A madeira talada pertencerá aos propietarios dos terreos.

Artigo 2º.- Obrigados ó pago.

Estarán obrigados ó pago do prezo público aquelas persoas que soliciten e se beneficien dos servizos antes indicados, entendendo por tales os propietarios dos terreos sobre as que en cada caso se actuara.

Artigo 3º.- Normas de xestión e ingreso.

O abono dos prezos que se establecen farase unha vez que o servizo sexa prestado, previa liquidación practicada polo Concello de Ames, en función da superficie sobre a que en cada caso se tivera actuado.

Artigo 4º.- Contía.

A contía do prezo revestirá os seguintes importes máximos:

	€/Ha.	€/m2
Tala e roza	2.255,15	0,2256
Roza	1.753,75	0,1754

Estes prezos, que inclúen o IVE correspondente, poderán verse rebaixados en función das tarifas que acorde o concello co medio propio TRAGSA, ou co empresario co que se concerte a realización dos traballos de tala e roza.

Artigo 5º.- Bonificacións.

Aqueles propietarios que asinen con concello convenio de tala, roza e repoboación en aplicación do plan para a protección do espazo rural e dos asentamentos de poboación no concello de Ames, gozarán das seguintes bonificacións:

- Aqueles propietarios que se acollan á modalidade I de convenio (repoboación da franxa de seguridade a efectuar polo concello), gozarán dunha bonificación do 20 % no importe do prezo público.
- Aqueles propietarios que se acollan á modalidade II de convenio (repoboación da franxa de seguridade a efectuar polo propietario), gozarán dunha bonificación do 40 % no importe do prezo público.

Establecer como umbral de exención o definido para a situación económica dos cidadáns cada ano para os servizos educativos complementarios.

Artigo 6º.- Entrada en vigor.

A presente Ordenanza entrará en vigor unha vez que se publique o seu texto íntegro no Boletín Oficial da Provincia, e transcurra o prazo previsto no artigo 65.2 da Lei 7/85, do 2 de abril, Reguladora das bases de réxime local.”

Ames, 20 de decembro de 2013

O alcalde

Santiago V. Amor Barreiro

2013/16177